

ՄԽԻԹԱՐԵԱՆՆԵՐԸ ԵՒ ՆՐԱՆՑ ՈՒՍՈՒՄՆԱԳԻՏԱԿԱՆ ԳՈՐԾՈՒՆԷՌԻՒՆԸ

ԺԵ. դարի կէսերին Կ. Պոլսում բնակուող հայերի մէջ դըպ-
րոց հիմնադրելու եւ կրթութիւն տարածելու առաջին փորձերը,
ըստ պատմաժամանակագրական փաստերի, կապւում է Կ. Պոլ-
սում գործող Կղեմէս Գալանոս կոչուած հայագէտ քահանայի,
իսկ աւելի ուշ Մխիթար Սեբաստացու անուան հետ:

1700 թուականին Կ. Պոլսում Մխիթար Սեբաստացին հիմ-
նեց Մխիթարեան միաբանութիւնը՝ Հոգեւորդիտական, մշակու-
թային եւ ուսումնակրթական գործունէութիւն ծաւալելու նպա-
տակով:

Սեբաստացին հայրենասէր էր, նուիրեալ եւ ազգասիրու-
թիւնը ներդաշնաւորել էր կրօնական իր համոզմունքներին: Կրօ-
նը նրա համար համոզմունք է, հաւատամք, ազգութիւնը՝ ցեղա-
յին պատկանելութիւն, որ արեան օրէնքով նոյնքան բարձր գա-
ղափարախօսութիւն է, որից դուրս դժուար թէ լինի մշակութա-
յին մեծ անհատականութիւն՝ «Ոչ կաթողիկէ կրօնս կը զոհեմ
ազգիս սիրոյն եւ ոչ ալ ազգս՝ կրօնէիս սիրոյն...», որովհետեւ,
ինչպէս Հոռն է գրում. «Ազգի եւ կրօնի տարրերութիւնը կը-
ցած էր ըմբռնել նա, առաջին ըլլալով հայերու մէջ»¹:

1712 թուականին Հռոմը պաշտօնանապէս ճանաչեց եւ վաւե-
րացրեց Մխիթարեան միաբանութիւնը, իսկ նրա հիմնադրին՝ Մխի-
թար Սեբաստացուն, չնորհեց աբբահայր տիտղոսը:

1715 թուականին Թուրքիայի եւ Վենետիկի իշխանութիւն-
ների միջեւ կտրուկ սրուեցին յարաբերութիւնները Սեբաստա-

¹ ՖերձԱթՆԱՆ Հ. ԲԱՐՍԵՆ, Մխիթար մարդը, հայը, սուրբը, Վիեննա, 1976, էջ 114-115.

ցին, կանխատեսելով պատերազմի ելքը ի վնաս տեղական իշխանութիւնների, Վենետիկի Հանրապետութիւնից հայցեց քաղաքացիական ապաստան: Վենետիկի աւագանու արտօնագրով 1717 թուականին Սեբաստացին թոյլատրութիւն ստացաւ տնօրինելու աւերուած Ա. Ղազար կղզին եւ ճիշտ է նկատուած, որ «Հայ հայեարը սակայն իր քրտինքով, իր հոգիով պիտի քրծեր այդ հողը, զայն պիտի վերածէր հայ ամէնէն սրբազն մէկ մասունքի եւ Ա. Ղազար պիտի ըլլար Հայաստանի չափ Հայաստան եւ անոր հողին պէս հայկական»²: Եւ այսպէս՝ Սուրբ Ղազարը, որ մինչ այդ բորտների լքուած կղզի էր, 1717 թուականից սկսած դարձաւ միաբանութեան սեփականութիւնը: Այդ օրուանից «Սուրբ Ղազարը կը հայեայ, հոմանիշ դառնալով փոքրիկ Հայաստանի»³, հարստացնելով նրա դարաւոր մշակութային եւ հոգեւոր գանձերը, լեզուն, արուեստը՝ ներկայացնելով իբրեւ գիտութեան մեծ կաճառ աշխարհացրիւ հայութեան համար:

Սեբաստացին վարեց ոչ միայն միաբանութեան տնտեսական, վարչական եւ ուսումնակրթական աշխատանքները, այլեւ միաժամանակ հանդէս եկաւ պատմաբանասիրական ուսումնասիրութիւններով: Նա զբաղուեց գիտամատենագիտական աշխատանքներով, հմտացաւ լեզուների իմացութեան մէջ՝ կատարելով բազմաթիւ թարգմանութիւններ, հրատարակելով շուրջ 30 մեծածաւալ աշխատութիւն, կանոնական, մեկնական բնոյթի բազմաթիւ գործեր, որոնց մէջ բացառիկ արժէք է ներկայացնում Աստուածաշունչը: Սեբաստացին վախճանուեց 1749 թուականի ապրիլի 27-ին, եւ նրա աճինը հանգչում է Սուրբ Ղազարի մայրավանքում:

Մխիթարեանները հայագիտական ու պատմագիտական գըրքերի հրատարակութիւններին գուգահեռ լոյս են ընծայել հայ, յոյն եւ հորմէական մատենագիտական ուսումնասիրութիւններ՝ քայլ առ քայլ կեանքի կոչելով դարերով փոշեպատուած եւ մոռացութեան մատնուած հայ պատմամշակութային գանձերը (Եղնիկ, Կորիւն, Ագաթանգեղոս, Փաւատոս, Եղիշէ, Խորենացի, Փարպեցի, Դաւիթ Անյաղթ, Մանդակունի, Նարեկացի, Շնորհալի եւ շատ ուրիշներ):

² Նշ. աշխ., էջ 134-135.

³ Տե՛ս Սուրբ Ղազար, Վենետիկ, 1986.

«Միջիքարեանք եղան առաջինը, որ ոչ միայն ճանչցան դպրոցի եւ դաստիարակութեան անհրաժեշտ հարկաւորութիւնը, այլև նախաձեռնարկողն եղան անոնց վերանորոգութեան»⁴: Մերաստացին 1732-ին Ս. Ղազարում հիմնեց դպրոց, որը սկզբ բում կրում էր վարժարան, իսկ աւելի ուշ՝ ճեմարան (ակադեմիա) անունը: Դեռեւս նրա կենդանութեան օրոք Սուրբ Ղազարը դարձաւ հայ մշակոյթի կենտրոն, իսկ նրա մահից յետոյ «Ի պատիւ նորա Միջիքարեան կոչուած միարանութեան մէջ չեն նուազիր այնպիսի աշակերտներ եւ յաջորդք, որք իւրեանց բարունույ շաւիդն ընթանալով՝ իրեւ վարժապետներ եւ մատենագիրք գործունեայ կը հանդիսանան թէ՝ ի Ս. Ղազար եւ թէ՝ վերջերն ի Վիեննա բացուած վանքի մէջ»⁵:

Ս. Ղազարի հայրերը Տրանսիլվանիայի Պաշպալով քաղաքում բացեցին նախակրթարան, որտեղ սովորում էին 30 հայագույքի մանուկներ: Նրանց թիւը յետագայում հասաւ 60-ի, 1749 թուականին՝ Յակոբ Կարնեցին, Անդրէս եւ Յովհաննէս վարդապետները նախակրթարան բացեցին Վարատինում: 1797-ին Հայր Զ. Ինճիճեանը Տրանսիլվանիայի Սիբվիզում, որտեղ ապրում էր ընդամէնը 200-260 հայ, բացեց նոր դպրոց՝ 50-60 աշակերտով: Տասնեօթ տարիների ընթացքում դպրոցը մեծ առաջընթաց ապրեց: Սակայն նրա գործունէութիւնը ընդհատուեց 1814 թուականին ինճիճեանի անակնկալ մահուան պատճառով: Միխիթարեանների եռանդուն ջանքերի շնորհիւ 1804 թուականին Կ. Պոլսում հիմնուեց նոր դպրոց, որի վերատեսուչը Հայր Պ. Թընկըրեանն էր, կանոնադրութիւնը կազմեց Ազոնց աբբահայրը: 1806 թուականին դպրոցը տեղափոխուեց Ս. Գէորգ վանքը, որտեղ սովորում էր 60 երեխայ, եւ կարճ ժամանակ էր պէտք, որ այն դասուէր Կ. Պոլսի առաջնակարգ դպրոցների շարքը: 1810-ին դպրոցը տեղափոխուեց Կ. Պոլսի Բերա թաղամասը: Վիճակագրական տուեալներով 1811-ին այդ դպրոցում արդէն սովորում էր 140 հայ

⁴ ՍՍ.ՐԳՒԾԵԱՆ Հ. ԲԱՐՍԵԼ ՎՐԴ., Երկիարիւրամեայ կրթական գործունեութիւն Վենետիկոյ Միջիքարեան միարանութեան, Հասոր Ա (1746-1901), Վենետիկ, Ս. Ղազար, 1936, էջ 9:

⁵ «Արեւելեան մամուլ», յունիս, Զմիւռնիա, 1874, էջ 230-231:

մանուկ: Հայր Պօղոսի մահից յետոյ նրա գործը մեծ պատասխանատուութեամբ շարունակեց Հայր Թովմաս Մաքսեթեանը⁶:

1808 թուականին կ. Պոլսի Մխիթարեաններն իրենց ծախսերով բացեցին եւս երկու դպրոց, մէկը՝ Ղալաթիայում, միւսը՝ Բերայում՝ Հայր Ս. Սոմալեանի եւ Հայր Մ. Բժշկեանի տեսչութեամբ: Այս դպրոցներն իրենց որդեգրած կրթական առաջադիմական սկզբունքներով գործեցին Մխիթարեանների առաջադրած կանոնադրութեամբ, որ ենթադրում էր «արտաքին» ուսման, լեզուների իմացութեան, հոգեւոր կրթութեան բարձր մակարդակ, որն իրաւունք էր վերապահում շրջանաւարտներին կոչելու Ս. Ղազարի «օրինաւոր եւ արժանաւոր սաներ»:

Հարկ է նշել, որ Հայր Մինաս Բժշկեանը, յաղթահարելով մեծ դժուարութիւններ, կարողացաւ այս դպրոցը պահել-պահանձել 1817 թուականը: Եւ այսպէս՝ վերոյիշեալ դպրոցները, թէեւ ունեցել են կարճ կեանք, սակայն խոր արմատներ են գցել Պոլսի կրթական կեանքում:

1834 թուականին բացուեց Մուրադեան վարժարանը: Մխիթարեանները մշակեցին նոր, կատարեալ կանոնադրական եւ դպրոցավարութեան ծրագիր⁷:

Այս նոր ծրագիրն ունէր երկու կարեւոր ուղղուածութիւն՝

ա) սաները իտալերէնից ու գաղղիերէնից բացի պարտադիր պէտք է տիրապետէին նաեւ եւրոպական այլ լեզուներ,

բ) պարտադիր էին նաեւ նկարչութիւն, վաճառականութիւն եւ ճարտարապետութիւն առարկաները:

Ինքնին հասկանալի է, որ Մխիթարեանների դպրոցներն այս դէպքում մերձենում էին բարձր աստիճան ապահովող վարժարաններին, որոնց մէջ առանձնանում էր յատկապէս 1840-ին կ. Պոլսում բացուած Սկիւտարի ճեմարանը: Այստեղ դասաւանդւում էին պատմութիւն, ճարտասանութիւն, մեքենագիտութիւն, ընդհանուր գրականութիւն, պատմութիւն մատենագրաց, բժշկագիտութիւն, վաճառականութիւն եւ ճարտարապետութիւն, իտալերէն եւ այլ առարկաներ:

⁶ Հմմտ. ՍԱՐԳԻՍԵԱՆ Հ. ԲԱՐՍԵՂ ՎՐԴ., նշ. աշխ., էջ 43.

⁷ Նոյն տեղը, էջ 51.

Մխիթարեանների Ղալաթիայի վարժարանն ունէր 70-72 աշակերտ, գործում էր նաև գիշերօթիկ բաժինը:

Կ. Պոլսի Մխիթարեան դպրոցների շարքում իր առանձնայատուկ տեղն ունէր Քաղկեդոնի Կեղրոնական վարժարանը, որը Հայր Ա. Ճարեանի տեսչութեան տասը տարիների ընթացքում (1878-1888թթ.) իր դրական հետքն է թողել պոլսահայ դպրոցի կեանքում: Վարժարանն ունէր 80-100 աշակերտ: Քաղկեդոնի դըպրոցն, իսկապէս, նոր երեւոյթ էր մայրաքաղաք Պոլսում:

1874-1875 թուականներին Կ. Պոլսի Բերա թաղամասում Հայր Քաջունու նախաձեռնութեամբ հիմնուեց նմանատիպ մի վարժարան՝ 100-120 աշակերտով, որտեղ դասաւանդումը, որքան էլ զարմանալի թուայ, տարրում էր մաթեմատիկական թեքումով, եւ որ այն «չափաւոր գիտութեամբ օծուած աւարտավարժներ եր ընծայում ազգին»⁸:

ԺԹ. դարում (առաջին եւ երկրորդ կէսերին) Մխիթարեան միաբանութիւնը Կ. Պոլսում հիմնել է վեց նախակրթարան:

1830 թուականին Վիեննայի Մխիթարեանները Ֆրանցիսկեան վանքին կից հիմնեցին դպրոց, որը 1857թ. տեղափոխուեց Կ. Պոլիս՝ Բանկալթիի թաղամասը: 1909թ. այն վերակառուցուեց՝ գործելով գերմանական դպրոցների կրթական ծրագրերով: Մխիթարեանների ջանքերով հայկական գաղթօջախներում բացուել են աւելի քան 30 վարժարան: Սակայն բոլորը չէ, որ կարողացել են դիմակայել իրարայաջորդ տնտեսական ու քաղաքական փոթորկայոյգ ժամանակներին:

Մխիթարեանների հիմնած վարժարաններից շատերը գործում են նաև այսօր, ինչպէս օրինակ՝ Կ. Պոլսում՝ հիմնադրուած ԺԹ. դարասկզբին, Վենետիկում՝ 1836-ին, Հալէպում՝ 1936-ին, Բէլըութում՝ 1948-ին, Բուէնոս-Այրէսում՝ 1956-ին եւ այլն: Վենետիկին ունի երկու ընծայարան՝ Բէլըութում եւ Ս. Ղազար կըդգում:

«Բարձրագոյն ուսմանց եւ գիտութիւններու» ծրագիրը մտել է այն հաստատութիւնների ցանկում, որոնց ըշանաւարտները կարող էին առանց քննութեան, ընդունուել այլ երկրների

⁸ Նոյն տեղը, էջ 59.

համալսարանները։ Հայկական ճեմարանը՝ դասաւանդուող գիտութիւնների ակադեմիական առարկայացանկով, կանոնադրական պահանջների իրականացումով եւ չափանիշներով հասցուել էր եւրոպական լսարանային բարձրագոյն կրթահամակարգի մակարդակին, որը եւ հիմք է ծառայել, որպէսզի թէ՛ Փրանսիական (1867թ.) եւ թէ՛ իտալական (1896թ.) կառավարութիւնների յատուկ հրամանագրերով այն ճանաչուէր լիկէոն։ Սովորաբար լիկէոն ճանաչում ստացած ու արտօնագրուած ուսումնական հաստատութեան իրաւագօրութիւն չէր տրուում այլազգի վարժարաններին, սակայն այդպիսի շնորհում տրուեց Մուրադ-Ռաֆայէլեան վարժարանին ոչ թէ Փրանս-իտալական կառավարութիւնների արեւելեան երկրների հանդէպ ունեցած մեղմաբարոյ քաղաքականութեան շնորհիւ, այլ վարժարանն ինքն էր ապահովել գիտական որոշակի բարձր մակարդակ եւ ներկայացրել այդպիսի յայտ, որի իրաւունքը վայելում էին այդ կրթօջախի գիտնական-մանկավարժները եւ բազմաշնորհ շրջանաւարտները։

Մուրադեան վարժարանը հիմնադրուել է Եւղոկիայի մեծահարուստ Սամուէլ Մուրադեանի կտակով։ 1834 թուականի սեպտեմբերի 4-ին, իտալիայի Պադուա քաղաքում նորաբաց վարժարանի տեսչութիւնը (Հայր Խ. Փափազեան (ընդհանուր վերատեսուչ), Հայր Պ. Մինասեան (ուսումնապետ), Հայր Ս. Սոմալեան (գործակալ), Հայր Մ. Մազաքեան (խոստովանահայր)) առաջնորդուեց Միիթարեանների կրթական համակարգին բնորոշ ուսումնամեթոդական ծրագրերով եւ ընդունած կանոնադրութեամբ։

Հարկ է նշել, որ վարժարանի գործունէութեան առաջին տարիները եղել են փորձութիւնների եւ նիւթական ու բարոյական գոհողութիւնների գժուարին շրջան, որի ընթացքում տեղի են ունեցել բազմաթիւ վերելք-վալրէջքներ, եւ դրանք յետագյում, ցաւօք, առիթ են ծառայել որոշ մեղադրանքների համար, ինչպէս՝ օրինակ, կրթական գործում հանդէս բերած դանդաղկոտութեան եւ անհետեւողականութեան մէջ, աւելին՝ գործել են առանց հաշուի առնելու ժամանակի գիտական ու կրթական պահանջները, եւ որ՝ «...Միիթարեանները Թուրքիոյ մէջ գտնուող տիրացու վարժապետներէն աւելի դեռ բան մը ըրած չունին։ Զիրցին ապացուցանել, թէ աւելի լաւ, աւելի մանկավարժական, աւելի նպատակայարմար ուղղութիւն մը կրնան տալ հաստա-

տած դպրոցներուն»⁹: Ինչ խօսք, նման գնահատականը իրատեսական չէ, գուրկ է գիտական հիմնաւորումից եւ արժեքից, եւ նկատում է հեղինակի ծայրայեղ սուբյեկտիւիզմը:

Մինչդեռ «Հայրենիք» օրաթերթի նախորդ համարներից մէկում Հ. Տէր-Միրաքեանը, բնութագրելով Միհիթարեանների, եւ, մասնաւորապէս Մուրադ-Ռաֆայէլեան Վարժարանի գործունչութիւնը, գրում է. «Եթէ մի օր Միհիթարեան ժրաշան միարանութիւնը, որ միշտ նախանձնախնդիր է եղած ազգային լուսաւորութեանը, ձեռք զարներ մեզ այսօր զրադեցնող վարժարանի ժամանակակից պահանջներին համեմատ բարեփոխութեանը... պիտի հիմներ մի այնպիսի կենտրոնական դպրոց... որ իւր բազմակողմանի առաւելութիւններով միակը լինելով՝ պիտի գլուխ բարձրացներ մեր բոլոր ազգային ուսումնարանական հիմնարկութիւնների վրայ, եւ իրաւամբ կենտրոնականի դիրքն ստանալ»¹⁰:

1836 թուականին Միհիթարեանները նախատեսել էին բացել երկու դպրոց. Վենետիկում՝ Ռաֆայէլեան վարժարանը¹¹, Կ. Պոլսում՝ Մուրադ-Միհիթարեանը:

1836թ. սեպտեմբերի 11-ին մեծ հանդիսութեամբ բացուեց Ռաֆայէլեան վարժարանը (տեսուչ Հայր Ս. Թէոդորեան, ուսումնագետ՝ Հայր Ռ. Թրեանց, դաստիարակ՝ Հայր Ե. Մզրաքեան) Վենետիկի Բէզարոյի հոյակերտ ապարանքում:

Ինչ վերաբերում է Կ. Պոլսի Մուրադ-Միհիթարեան վարժարանին, ապա նրա նպատակը Պադուայի Մուրադեան եւ Վենետիկի Ռաֆայէլեան վարժարանների համար արժանաւոր սաներ պատրաստելն էր:

Մուրադեան եւ Ռաֆայէլեան վարժարանները շուտով իրենց ձեռք բերած հոչակով առաջ անցան Կ. Պոլսի բոլոր ազգային վարժարաններից:

⁹ «Հայրենիք», յուլիս, թիւ 878, Կ. Պոլս, 1894,

¹⁰ «Հայրենիք», սեպտեմբեր, թիւ 44, 1891.

¹¹ Ռաֆայէլեան վարժարանը հիմնադրուել է հնդկահայ մեծահարուստ էդուարդ Ռաֆայէլ Զարամեանի կտակով:

Աւստրիական կառավարութիւնը ձգտում էր Մուրադեան վարժարանի տնօրինութիւնը վերցնել իր ձեռքը՝ ենթարկելով այն պետական վարժարանների համար սահմանուած ընդհանուր օրէնք-ներին: 1844 թուականին միաբանութիւնը վարժարանի անկախութիւնը եւ ինքնավարութիւնը փրկելու համար, գաղտնի բանակցութիւններ վարեց Ֆրանսիայի արտաքին գործերի նախարար Գիզոյի հետ եւ, ստանալով Լուի Ֆիլիպի արտօնագիրը, այն տեղափոխեց Փարիզ: 1845-ին 500000 ֆրանկով գնուեց Քոնտէի շքեղ ապարանքը, եւ անմիջապէս Տրապիզոնի եւ Իզմիրի Մխիթարեան վարժարաններից այստեղ տեղափոխուեց 30-40 աշակերտ: Հայր Հ. Սորոտևանի եւ Հայր Ս. Եազըճեանի ջանքերով Փարիզում գործել սկսեց Մուրադեան վարժարանը: Նորաբաց վարժարանի ընդհանուր վերատեսուչ կարգուեց Հայր Ս. Թէոդորեանը, ուսումնապետ եւ դաստիարակ՝ Հայր Դ. Թնկըրեանը:

Ֆրանս-պրուսական պատերազմի հետեւանքով 1870 թուականին Մուրադեան վարժարանը կրկին փոխադրուեց Խոսլիա՝ միանալով Վենետիկի Ռաֆայէլեան վարժարանին՝ ստանալով Մուրադ-Ռաֆայէլեան անունը: Մխիթարեանների նախաճեռունութեամբ 1928-ին այն վերաբացուեց Փարիզում՝ Սեւրի-Պոմպադուրեան դղեակում եւ ֆրանսիական կառավարութեան 1931 թուականի մայիսի 11-ի հրամանագրով դասուեց երկրորդական ու բարձրագոյն ազատումնարանների շարքը:

Հրատարակուած յայտագրերում կայ մի ընդհանուր ուղղուածութիւն, որ բովանդակում է հետեւեալ սկզբունքները՝ «Վարժարանին նապատակն է կրբել եւ դաստիարակել գաղութահայ մանկտին քրիստոնէական եւ առողջ սկզբունքներով. տալ անոնց արդիական ուսումներ՝ եւ մանաւանդ ապահովել տոհմային դաստիարակութիւնը: Մեր աշակերտները կը հրահանգուին Մխիթարեան դաստիարակ հայրերու եւ անձնուէր ուսուցիչներու առաջնորդութեամբ, ըլլալու համար ապագայ գիտակից հայ ժաղաքացիներ՝ հոգեպէս վեհ, բարոյապէս առողջ, իմացականութեամբ բարձր եւ մարմնով կայտառ, յոյս իրենց ծնողներուն եւ պարծանք ազգիս»¹²:

¹² Յայտագիր Սեւրի Սամուէլ Մուրատեան վարժարանի, Վենետիկ, Ս. Դաշտար, 1938, էջ 6.

Հասկանալի է, որ վարժարանի կանոնադրութիւնը, ուսման բովանդակութիւնը, կրթական յայտագրերն ու ծրագրերը տարիների ընթացքում աստիճանաբար բարեփոխուել են եւ թարմացուել՝ ընդգրկելով կրթութեան բնագաւառում եղած նորն ու առաջաւորը:

Վարժարանի տարեգրութեան մէջ առանձնանում է ԺԹ. դարի 60-ական թուականները՝ Հայր Պ. Մինասեանի, Հայր Ղ. Ալիշանի, Հայր Օ. Գուրզէնեանի, Հայր Հ. Պապիկեանի տեսչութեան փուլը: Այսպէս՝ 1865-ին վարժարանը գիմնազիականից փոխադրուեց լիկոնական բարձրագոյն աստիճանի:

Ուսման վեցամեայ տեւողութիւնը տարւում է երեք փուլ: առաջինում դասաւանդուել են կրօնք, քրիստոնէական վարդապետութիւն, քաղաքավարութեան կանոններ, սրբազան պատմութիւն, ազգային պատմութիւն, քաղաքական աշխարհագրութիւն, բնական աշխարհագրութիւն, հայերէն, իտալերէն եւ գաղղիերէնի քերականութեան առաջին մաս, տաճկերէն, թուաբանութիւն, գեղագրութիւն (հայերէն, տաճկերէն եւ գաղղիերէն), երաժշտութիւն ձայնական եւ մարմնամարզանք, երկրորդում՝ կրօնագիտութիւն, հայերէն, տաճկերէն, գաղղիերէն, իտալերէն եւ անգլերէն (հանդերձ ծանօթութեամբք անոնց մատենագրութիւնը), հին պատմութիւն, ճարտասանութիւն, աշխարհագրութիւն վաճառականական, գրահաշշիւ եւ երկրաչափութիւն, տիեզերագիտութիւն, բնական պատմութիւն՝ առաջին երկու մասերը (բուսաբանութիւն եւ կենդանաբանութիւն), մեքենականութիւն, ուրուագրութիւն, գեղագրութիւն (հայերէն, տաճկերէն, գաղղիերէն), երաժշտութիւն ձայնական, մարմնամարզանք: Երրորդում՝ կրօնագիտութիւն, նոր եւ ժամանակակից պատմութիւն, հայերէն, գաղղիերէն, տաճկերէն եւ անգլերէն, գեղագրութիւն (հայերէն, տաճկերէն, գաղղիերէն), երաժշտութիւն ձայնական, մարմնամարզանք: Երրորդում՝ կրօնագիտութիւն, բնական պատմութիւն (հանգաբանութիւն եւ երկրաբանութիւն), բնագիտութիւն, բնալուծութիւն (օրգանական եւ անօրգանական), իմաստասիրութիւն, քաղաքական իրաւագիտութիւն (պատժական եւ վաճառականական), կրկնատումար եւ պարզատումար վաճառականութեան (հանդերձ ծանօթութեամբք փոխանակագրոց եւ ծովային իրաւանց), ուրուագրութիւն, դիմագծութիւն, ձայնական երաժշտութիւն, մարմնամարզանք, լատիներէն

Եւ յունարէն (համալսարանական ուսմանց արժանի դատուղներուն համար)՝¹³:

Եւ եթէ բաւարարուենք միայն այս երեք փուլերում դասաւանդուող առարկաների ծրագրային ընդգրկումների ու գիտամեթոդական պահանջների համեմատական վերլուծութեամբ, առանց խորանալու մանկավարժական սկզբունքների կիրառման, տուածարդիւնքների, շրջանաւարտների եւ նրանց աւարտաճառերի նկատելի ներդրումների մէջ, ինքնին հասկանալի է, որ Մուրադ-Ռաֆայէլին վարժարանը, իրօք, կրթական լուրջ օջախ էր Եւրոպայի բուն սրտում՝ Փարիզում եւ Վենետիկում, եւ իր ուղղուածութեամբ եւ մակարդակով հաւասարուում էր տուեալ երկրների գիմնազիաներին, սակայն ուսուցման իր բովանդակութեամբ տարբերուում էր նրանցից ազգային պատմութեան, հայերէնի, տաճկերէնի եւ այլ առարկաների դասընթացներով:

Միիթարեանների հասցէին եղել են նաեւ արդարացի քննադատութիւններ, յատկապէս այն մասին, որ նրանք առանձնայատուկ ուշադրութիւն չեն դարձրել վարդապետուսուցիչների մանկավարժական պատրաստուածութեան վրայ: Դա կարելի է բացատրել երկու տեսանկիւնով, նախ՝ խուսափել են ֆինանսական ամելորդ ծախսերից, երկրորդ՝ բաւարարուել են միայն իրենց պատրաստած մանկավարժական կադրերով: Այդ առթիւ «Հայրենիք» օրաթերթը գրում է. «Միաբանութիւնը, թէեւ աշխարհական ուսուցիչներ կը գործածէ մեծ քուով իր հաստատութեանց մէջ, պէտք է սակայն որ ինքը մասնագէտ ըլլայ դպրոցական խընդիրներու մասին, բանի որ իրմէ կը բին ուղղութիւնը, իր ձեռքով կը կատարուի վերին հսկողութիւնը, ուսումնապետութիւնը եւ այլն: Արդ կրնանք ըսել, որ հատ մը միաբան չի կայ որ սորված ըլլայ դասաւանդութեան արհեստը, հատ մը չի կայ որ մանկավարժ ըլլայ»,¹⁴ թէկուզեւ այս գործում անձնուիրութիւնը, եռանդը կարեւոր գործօնններ են, սակայն գլխաւորը մասնագիտական կրթութեան ապահովումն է: Միաբանութիւնը շատերին էր գործուղում Եւրոպա (Հռոմ, Միլան, Գերմանիա, Ֆրանսիա եւ այլուր)՝ աստուածաբանութեան մէջ կատարելագոր-

¹³ Յայտարարութիւն Մուրադ-Ռաֆայէլ վարժարանի, որ ի Վենետիկ, Վենետիկ, 1878, էջ 6-8.

¹⁴ «Հայրենիք», յուլիս, թիւ 878, Կ. Պոլիս, 1894:

ծուելու համար, կարելի էր եւ այդպիսի քայլ կատարել մանկավարժական կրթութիւն ստանալու ուղղութեամբ։ Այս դէպքում իրենք բաւարարուել են իրենցով, այսինքն՝ սահմանափակուել են միաբանութեան մանկավարժական փոխանցուող գիտելիքներով ու փորձով։

Մուլադ-Ռաֆայէլեան գիմնազիոն-վարժարանում հիմնականում սովորում էին Մխիթարեան վարժարանների շրջանաւարտները։ Առաջին շրջանի ուսման բովանդակութիւնը չէր տարբեր ում Մխիթարեան վարժարաններից։ Մխիթարեաններն ուշի-ուշով հետեւում էին եւրոպական դպրոցական ու կրթական շարժումներին, կրթական ծրագրերին ու դասագրքերին ներկայացուող պահանջների մէջ կատարուող սկզբունքային փոփոխութիւններին եւ քննադատաբար տեղայնացնելով փոխանցում իրենց վարժարանները։ Ուսման բովանդակութեան մասնակի վերլուծութիւնը ցոյց է տալիս, որ դասաւանդուող առարկաների ցանկում գերակշիռ մասը բնագիտամաթեմատիկական գիտութիւններն են։ Կրթութեան բովանդակութեան մէջ աստիճանաբար խորացում էր բնական պատմութեան, տնտեսական աշխարհագրութեան, լեզուների ուսուցումը։

Երկրորդ շրջանում մեքենագիտութիւն առարկայի մուտքը նոր եւ առաջընթաց քայլ էր, որովհետեւ այն պահանջում էր տիրապետել տեխնիկայի վերջին նուաճումները, գտնել դասաւանդման համապատասխան ձեւեր ու մեթոդներ։

Ուսումնառութեան երրորդ շրջանում շարունակում էր գիտելիքների խորացուած ուսուցումը։ Համալսարան ընդունուողների համար կազմակերպում էին յատուկ դասընթացներ՝ լատիներէնի եւ յունարէնի գծով։ Երրորդ շրջանը համալրուեց նոր առարկաներով՝ եռանկիւնաչափութիւն, հանքաբանութիւն, երկրաբանութիւն, օրդանական եւ անօրդանական քիմիա, իրաւագիտութիւն եւ դիմագծութիւն։

Կատարուած կրթական բարեփոխումների շնորհիւ վարժարանը ստացաւ լիցեյի աստիճան՝ ունենալով Ա., Բ. եւ Գ. տարիներ։

Ա. եւ Բ. տարիներին առաջին պլան են մղում իմաստասիրական եւ բնագիտամաթեմատիկական գիտելիքների ձեռք բերումը, իսկ Գ. տարում սովորողները՝ գործնական գիտելիքներ

ստանալու նպատակով, պարտաւոր էին անցնել Փարիզի տարբեր ուսումնական հաստատութիւնների, գործարանների, պետական ու վարչական մարմինների աշխատանքային բովով, որի ընթացքում կատարելագործում եւ հմտանում էին ընտրած մասնագիտութեան մէջ:

Այսպիսով, կարելի է սիրով արձանագրել, որ թէեւ Մուրադ-Ռաֆայէլեան վարժարանն ունէր կրօնական ուղղուածութիւն, բայց եւ այնպէս նրա բուն էութիւնը, ներքին բովանդակութիւնը, առարկանների բազմազանութիւնը, իրականում շատ հեռու էր միայն հոգեւոր դպրոց կոչուելուց, որովհետեւ անկախ իր որդեգրած առաքելութեանը, չէր կարող չարձագանքել եւրոպական գիտատեխնիկական մտքի առաջընթացին, նոր տնտեսական ու հասարակական յարաբերութիւնների զարգացմանը:

Այս երեւոյթը կրկին հաստատում է այն ճշմարտութիւնը, որ անկախ պատմական իրադարձութիւններից ու հանգամանքներից, վարժարանը միշտ հաւատարիմ է մնացել իր վեհ կոչմանը՝ առաջնորդուելով Սեբաստացու իմաստուն պատուիրանով. «Ո՞չ կարողիկէ կրօնս կը զոհեմ ազգիս սիրոյն եւ ո՞չ ալ ազգս կրօնիս սիրոյն...»:

Վարժարանն ունէր չորս աստիճան՝ նախակըթարան, կրթարան (գիմնազիա), լսարան (լիցեյ) եւ համալսարան: Բերայի, Նիկոմիդիայի, Պարտիզակի, Տրապիզոնի եւ այլ գաւառների Միիթարեան վարժարանները դասուեցին նախակըթարանների շարքը: Քաղկեդոնի վարժարանը համարուեց կրթարան, Մուրադ-Ռաֆայէլեանը՝ լսարանային:

Դպրոցական վկայականներ ստանալու համար պահանջում էր կատարել պարտադիր առարկանների ծրագրերը. դրանք ֆրանսերէն, անգլերէն եւ իտալերէն լեզուներն էին, որոնք ապահովում էին բակալաւրի պետական քննութիւնների ծրագրային պահանջները:

Միիթարեան հայրերը աւանդում էին հայագիտական առարկաններ՝ հայոց լեզու, ազգային պատմութիւն, հին եւ նոր մատենագիտութիւն, աշխարհագրութիւն, գրականութիւն եւ բարոյագիտութիւն:

Վարժարանում ուսումնական տարին սկսւում էր հոկտեմբերին եւ աւարտում յուլիսին: Այն բաժանում էր եռամսեակեների, ընդ որում՝ իւրաքանչիւր եռամսեակը փակւում էր քննութիւններով:

Թէկուզեւ, Վատիկանն իր գործակալների միջոցով աչալուրջ հետեւում եւ վերահսկում էր վարժարանի գործունէութիւնը, այսուամենայնիւ, Մխիթարեանները հետամուտ էին եւրոպական կրթօջախներում կատարուող տեղաշարժերին, կրթութեան բովանդակութեան մէջ կատարուող արմատական բարեփոխումներին, եւ վարժարանի դռները բացում էին միայն գիտութեան ու մշակոյթի նուիրեալների առջեւ: Դրան մեծապէս նպաստում էր եւրոպական լեզուների իմացութիւնը, այդպէս էլ «Բազմավիճակ», որի էջերում ներկայացուում էին ժամանակի մեծ գիտնականների (Աննե, Քիւուիէ, Քիւֆոն եւ ուրիշներ) գիտական աշխատութիւնները, հրապարակուում այնպիսի յօդուածներ, որոնք ընդգրութիւմ էին նաեւ դպրոցի ու կրթութեան հարցերը:

Կրօնական առարկաները հիմնական էին եւ աւանդուում էին ուսումնառութեան բոլոր տարիներին: Այսպէս, ուսումնական առաջին շրջանում դասաւանդուում էր կրօնք, քրիստոնէական վարդապետութիւն եւ սրբազն պատմութիւն, միւս երկու շրջանում՝ կրօնագիտութիւն:

Բարոյական դաստիարակութիւնը վարժարանում իրականացուում էր կրօնականի հետ ձոյլ միասնութեամբ: Վարժարանի յայտագրերից մէկը կանխադրում է, թէ «Քաղաքական խոհեմ եւ զգուշաւոր կրթութեամբ աշակերտք կը սորվին հնագանդիլ միշտ քաղաքական եւ եկեղեցական օրինաւոր իշխանութեանց եւ ըլլալ բարեկիրք եւ պատուաւոր քաղաքացի այն տէրութեանց, որոնց հպատակ գտնուած են»¹⁵:

Բարոյական դաստիարակութեան բովանդակութեան առանցքը, այնուամենայնիւ, ազգասիրութիւնն էր, որին հասնելու համար կարեւոր դեր էին խաղում հայագիտական ու պատմագիտական առարկաները, օտար միջավայրում մայրենի լեզուի պահպանումը: Այդպիսի պատասխանատութեամբ ու մեծ սիրով Մխի-

¹⁵ Յայտարարութիւն Մուրադ-Ռաֆայէլ վարժարանի որ ի Վենետիկ, Վենետիկ, 1878, էջ 5.

թարեանները դասաւանդել են հայագիտական ու պատմագիտական առարկանները:

Ուշագրաւ է, որ *Մխիթարեանները* ոչ թէ թերագնահատում, այլ առաջարկում էին ուսումնասիրել աշխարհի ժողովուրդների պատմութիւնը՝ մատնանշելով նրանց բերած աւանդները մարդկութեան հոգեւոր հարատութեան գանձարանում, կարողանալ «... խոհական ընտրողութեամբ հետեւիլ անոնց լաւ սովորութիւններուն եւ իրենց անձնական կատարեկութեամբն օտարաց ալ սիրելի եւ պատկառելի ընծայել իրենց ազգը, եւ ընտանեաց ու հայրենեաց օգտակար ըլլալ»¹⁶:

Վարժարանում բարձր էր կարգապահութիւնը, եւ *Մխիթարեան* ուսուցիչները վայելում էին մեծ հեղինակութիւն: Նրանք գերազանցապէս գիտնականներ էին եւ յայտնի իրենց ուսումնասիրութիւններով, թարգմանութիւններով, գիտական յօդուածներով, գրքերով, բառարաններով: Զկայ գիտութեան որեւէ բնագաւառ, որի ուսումնասիրութեան ուղղութեամբ *Մխիթարեանները* չունենան իրենց ներդրումը:

Հասկանալի է, որ սովորողը հէնց առաջին իսկ օրուանից պարտաւոր էր ընտրել իր կեանքի յետագայ գործունէութիւնը՝ հետեւելով իր ուսուցչին:

Ուսուցիչը բարձր հեղինակութիւն է՝ անկախ նրանից, թէ նա տասնեակ գիտական աշխատութիւնների հեղինակ է կամ այդպիսի ձիրքերից գուրկ սովորական վարժապետ:

Վարժարանում պատշաճ կարգ ու կանոն հաստատելը պայմանաւորուած էր ոչ միայն պատիժների խստութեամբ (ամենախիստ պատիժը վարժարանից հեռացնելն էր), այլեւ սովորողների ուսումնական ու աշխատանքային գործունէութեան ճիշտ կազմակերպմամբ, նրանց կողմից խնամքով կազմուած կանոնակարգով¹⁷:

Վարժարանում բարձր մակարդակի վրայ էր նաեւ Փիզիկական դաստիարակութեան դրուածքը: «Մարմնամարզանք» առար-

¹⁶ Նոյն տեղը, էջ 6.

¹⁷ Տե՛ս «Բարեկարգական կանոններ», յայտագիր Սեւրի Սամուէլ Մուրատեան վարժարանի, Վէնետիկ, Ա.Ղազար, 1938, էջ 18-20:

կան ուսման բովանդակութեան մէջ դասում էր պարտադիր առարկաների շարքը։ Նոյնը կարելի է ասել վարժարանի լիցեյական շրջանի մասին։

Ֆիզիկական դաստիարակութիւնը տարուել է մարզական խաղերի, լողի, արշաւների ձեւով։

Գեղագիտական դաստիարակութեան խնդիրները բարդ են ու բազմազան։ Դրանք իրականացնում են գեղագիտական առարկաների ուսումնական դասընթացների միջոցով՝ նպատակ ունենալով սաների մէջ ամրապնդել սէր դէպի արուեստը, բնութիւնը, մարդը, նրանց մղել հասկանալու եւ գնահատելու գեղեցիկն ու բարին, վեհն ու հերոսականը, ողբերգականն ու կատակերգականը կեանքում եւ արուեստում։ Գեղագիտական ընկալունակութիւնը մարդու ձեռքբերովի որակ է, որը պահանջում է որոշակի մշակոյթ եւ կրթուածութիւն։

Այս հանգամանքը նկատի ունենալով՝ Մխիթարեանները հայագիտական, պատմագիտական, բնագիտամաթեմատիկական առարկաներին զուգահեռ, վարժարանում հաստատուն հիմքերի վրայ էին դրել գեղագիտական առարկաների դասաւանդման դրուածքը, որը ուսումնառութեան վեց տարիների ընթացքում իրականացնում էր երաժշտութիւն ձայնական, երգ եւրոպական, ուրուադրութիւն, գեղագրութիւն, դիմագծութիւն, վիմագրութիւն, մանրանկարչութիւն, քաղաքավարութեան կանոնք առարկաների միջոցով։

Մխիթարեան վարժարանները սկզբնական շրջանում դեկավարում էին տեսուչները, որոնց նշանակում եւ երաշխաւորում էր միաբանութեան աբբահայրը։

1843-ին միաբանութիւնը ստեղծեց տաս հոգուց բաղկացած «Խնամակալաց ժողով»¹⁸, որին կանոնադրութեան համաձայն տրուեցին կառավարման լայն լիազօրութիւններ։

1846թ. «Խնամակալաց ժողովի» կառոյցներում կատարուեցին զգալի փոփոխութիւններ. ընտրուեց նոր «Խնամակալաց ժո-

¹⁸ «Խնամակալաց ժողովի» նախագահ ընտրուեց Ս. Թէոդորեանը, փոխնախագահ՝ Ռ. Թրեմանցը, անդամներ՝ Ղ. Ալիշանը, Գ. Արվազովսկին, Ն. Մարգսեանը, Պ. Մինասեանը։

դով», որի նախագահ Հոչակուեց աբբահայրը, նախկինում գործող «Հոգարարձաց ժողովի» փոխարքէն ստեղծուեց «Վարժարանների տեսչութիւն»: Կանոնադրութեան համաձայն սահմանուեցին ուսումնական նոր կանոններ:

1868թ. Ս. Ղազարի երկու ուսումնարանների՝ Մուրադեան եւ Ռաֆայէլեան, նաեւ Բերայի եւ Քաղկեդոնի վարժարանների ուսումնական խնամատարութիւնը յանձնուեց «Խնամակալաց ժողովին», որի անդամները բաժանուեցին ներքին եւ արտաքին խմբերի¹⁹: Ու թէեւ «Խնամակալաց ժողովը» գործունէութեան 25 տարիների ընթացքում կատարել էր հսկայածաւալ աշխատանք, սակայն վերջին շրջանում այն թուլացրել էր իր գործունէութիւնը եւ, բնականաբար, կողցրել իր եղբեմնի հզօրութիւնը:

1885թ. Միաբանութեան կողմից վերստին կեանքի կոչուեց «Խնամակալաց ժողովը», դարձեալ ընդլայնուեցին նրա գործունէութեան շրջանակները: «Խնամակալաց ժողովը» ընդհանուր ժողովին ներկայացրեց Միխիթարեան վարժարանների միասնական կրթական համակարգ ստեղծելու ծրագիր:

1894 թուականին ընդհանուր ժողովում ընդունուած դպրոցական համակարգի նոր նախագծի համաձայն Միխիթարեան վարժարանները պարտադիր կարգով պէտք է առաջնորդուեն կրթական միասնական ծրագրերով. սահմանուեց դպրոցի քառասուիճան համակարգ՝ նախակրթարան, կրթարան, լսարան համալսարան՝²⁰:

Այսպիսով՝ Միխիթարեանների գիտական ու մշակութային գործունէութիւնը այնպիսի լայնածաւալ բնոյթ ունէր, մանաւանդ նապոլէոն Բոնապարտի «Հայկական Ակադեմիա» շնորհումից յետոյ, որ եւրոպական տարբեր գիտական հաստատութիւնների եւ

¹⁹ Ներքին էին համարւում Վենետիկում բնակուող, արտաքին՝ նրա սահմաններից գուրս բնակուող Միխիթարեանները, որոնք մասնակցում էին միայն ընդհանուր ժողովներին:

²⁰ Այդ մասին հանգամանոքն խօսւում է «Միխիթարեանց կրթական եւ ուսումնական ծրագիրը իրենց վարժարաններու մէջ» գիտում: Տէ՛ս ՍԱՐԳԻ-ՍԵՍՆ Բ., Երկիրաբանայ կրթական գործունեութիւն Վենետիկոյ, Միխիթարեան Միաբանութեան, և. Ա., 1746-1901, Վենետիկ-Ս. Ղազար, 1936, էջ 180-186.

գըգեանը, Մ. Աղաբէկեանը, Հ. Մելգումեանցը (Մելքոն Խան) եւ շատ ուրիշներ:

Հայ-խոտալական դարերի պատմութիւն ունեցող բարեկամական եւ մշակութային պատմութեան մէջ Մխիթարեանները, յենուելով Կիլիկեան Հայաստանի ռազմաքաղաքական եւ պետական փոխադարձ յարաբերութիւնների բարի դրացիական ու բարեկամական կապերի հիմքի վրայ, անկախ հռոմադաւան եւ լուսաւորչական եկեղեցիների դաւանաբանական տարբերութիւնների, եղել ու մնում են որպէս գիտութեան ու մշակոյթի եւ դրանց հետ առնչուող օրէնսդրական բացառիկ օրինակ համաշխարհային պատմութեան մէջ: Այս դէպքում չի կարելի ասել, թէ Մխիթարեանները հայրենիք չունեն. Մխիթարեանների հայրենիքը Հայաստանն է, եւ նրանց գիտակցական միջավայրը՝ Վենետիկը, Միլանը, Հռոմը, Փարիզը, Վիեննան:

Մխիթարեանները բուն Եւրոպայում ներկայացրել ու ներկայացնում են ոչ միայն հայ ժողովրդի պատմութեան հնագոյն գանձերը, այլեւ Եւրոպային առաջադրել են ճանաչել մի հինաւուրց ժողովրդի գիտութիւնն ու մշակոյթը՝ հաշուի նստելով այն մեծ ներդրումների ու նուաճումների հետ, որի ռահվիրանները նաեւ իրենք էին՝ Մխիթարեան միաբանութեան քանքարաւոր ներկայացուցիչները:

ՇՈՂԻԿ ՈՍԿԱՆԵԱՆ

The Mekhitarian Congregation, its spiritual and cultural values, academic-educational efficacy

(summary)

SHOGHIK VOSKANIAN, Ph.D.

The Congregation has excited and promoted its activity in two directions: religious and armenological – philological in virtue of the wise undertaking of Mekhitar Sebastatsi. From the very outset, the Mekhitarians owing to the well-educated and in any wise sages could make much success in administrative-organizational, educational, scientific, and translation directions. The first settler of these activities was Mekhitar Sebastatsi who had written and published through scientific researches and done perfect translations. In the second middle of the eighteenth century the Mekhitarian Congregation has already become famous for its unequaled and first class scientists and cultural figures such as G. Avetikyan, M. Chamchyan, M. Avgeryan, Gh. Indjidian, S. Somalyan, M. Jakhjakian, E. Tovmadjian And many others.

In the 1790s the Congregation was living its ascent period. It has carried out its independent armenological, historical-philological, geographical and lexicographic researches. Gradually the Mekhitarians were doing much to advance in fiction as well. Parallel to the edition of the armenological and translation books the Mekhitarians have published Armenian, Greek and Roman bibliographical researches. These publications brought the consigned oblivion of the Armenian historical-cultural life buried and dust covered treasures such as Yeznik, Koryun, Agathangelos, Pavstos, Yeghisheh, Khorenatsi, Parpetsi, Davit Anhaght, Mandakuni, Narekatsi, Shnorhali and many others.

The island of St. Ghazar is always entitled by the attention of the Italian and French governments; its uniqueness is proclaimed everywhere. It took out state patent, academic announcements and was valued as an academic-educational center that had won international scientific, cultural magnificence and eminence. Pursuing their goal with determination to catch up with the high standards of the European universities, the Mekhitarians attained their very purpose. In 1867 the French government and in 1896 the Italian government acknowledged officially Murad Rafayelian College as equivalent to their own colleges. Students graduating from that college could be admitted in any European university without passing their entrance exams. Consequently, while speaking about Murad Rafayelian College we are conscious of the Armenian-Italian-French centuries-old contact and relations, as Milan, Paris, Rome and Venice are considered as great value for the Armenian intelligentsia as a mysterious, pithy and enigmatic world of science, music and arts. The fruitful and productive result of this relationship must be reputed the mission of those geniuses of science, education and arts whose representatives are the Mekhitarians, with their gifted alumni such as M.Peshikashlian, H. Hisarian, M. Mamurian, D.Varujan, T. Terzian, V. Svatchian, V. Papazian, E. Shahin, G. Alemdshah, E. Manas, A. Eksheyian, H. Sagzian, H. Melgumians and many others. The responsibility and role of the cultural-scientific chain between the worldwide and renowned linguists, archaeologists, historians, writers and artists of the East and West were undertaken by the Congregation of Venice in St. Ghazar. It can be regarded as a little Armenia in the heart of Europe having its educational, legal, economic and administrative self-government. In this case it cannot be said that the Mekhitarians had no mother country. Their cradle is Armenia and their awareness reach to Milan, Venice, Vienna and Paris.

The Mekhitarians have represented not only the ancient treasures of the Armenian history but also made the Europeans become acquainted with the science and culture of the Armenians reckoning with great contributions and achievements grateful to the endowments of the Mekhitarian Congregation.